

BESTE BATASUNA
HERRIALDE KATALANAK

Aspaldi zintzilik dauden inbertsio publikoei buruzko konpromisoak betearazi nahi dituzte

Valentziako Blokeak eta CDC alderdiak elkarlanerako akordioa sinatu dute

Aldarrikapen komunak sustatuko dituzte «bi nazionalitateen arteko» lurralde integrazioarako

Ainara Mendiola | DONOSTIA

Kataluniako CDC Convergencia alderdiak eta Valentziako BNV Bloke Nazionalista Valentziarrak elkarlanerako hitzarmena sinatu zuten asteazkenean, *Castelloko Deklarazioa* izenburupean. Convergenciako idazkari nagusiorde Pere Maciasek eta BNVko lehendakari

Pere Mayorrek izenpetu zuten akordioa.

«Autogobernu handiagoa lortzeko elkarlanean aritzeko eta ongizate ekonomiko zein sozialerako premiazkoak diren egitasmoen atzerapen eta oztopoak gainditzeko balioko du», adierazi zuten bi buruzagiek. Azpiegitura, politika sozial, nekazaritza, arrantza, kul-

tura, turismo, ingurumen eta beste hainbat alorretan politika komunak landuko dituzte aurrerantzean BNVk eta CDCk. Horren helburua da «bi nazionalitateen arteko» lurralde integrazio handiagoa lortzea, politika eta aldarrikapen komunak aurrera eramanez.

Espainiako Gobernuaren jarraitaren aurrean beharrezko-

tzat jotzen dituzten neurriak hartzea ere adostu zuten.

Inbertsioak

Inbertsio publikoen arloan aspalditik hainbat akordio zintzilik daudela salatu zuten CDCk eta Blokeak, eta Valentzia, Katalunia nahiz Espainiako gobernuak azkar betearazteko neurriak hartzea erabaki zuten.

kongresuan, botoen %72,2 eta %72,8rekin, hurrenez hurren. Zuzendaritza hori izango da, dena den, 2004an CiUn bat egitea prestatu beharko duena.

Kritikoen beldur

Sektore kritikoak, berriz, ez zuen ordezkartzarik lortu gobernu batzordean. Talde horretan sostengu handiena eskuratu zuena Eugeni Perez Moreno buruzagia izan zen, botoen %7,4rekin.

Hautagaitza ofizialari «kautilismo eta morrontzatik gertuko kudeaketa klientelista» egitea leporatu zioten kritikoek. Duran Lleidak salaketa horiei erantzutea saihestu zuen, eta horren ordez «leialtasuna» eskatu zien.

Kongresua hasi bezperan, Unioko sektore ofizialistako zenbait buruzagi beldur ziren Duran Lleidaren zerrenda bozkatuena ez izateaz. Baina, zigor botorik ez zen izan azkenean.

Nuria de Gispertek —CDCtik hurbileneko buruzagia— talde ofizialean boto gutxien lortu zuen arren, Duran Lleidak presidenteorde izendatu zuen. Kargu berean izango da Ramon Espadaler, eta hark utzitako idazkaritza nagusian Marta Llorens.

ASTEKO KRONIKA

EKAINAK 1, LARUNBATA

FLANDES. ULB ikerketa taldeak egindako azterketa baten arabera, Belgikako hauteskunde lege berriak herrialdearen arteko parekotasunari eutsiko dio.

EKAINAK 2, IGANDEA

BREITAINIA. Finisterekko Milizac herrian 5.000 lagun elkarretaratatu ziren enpresa kimiko bat eraikitzearen aurka protesta egiteko.

EKAINAK 3, ASTELEHENA

GALIZIA. Errege Akademia Galiziarak salatu zuen agintean den PP alderdiak interesik ez diela adierazi berak hizkuntza sustatzeko egin proposamenei. Galizierak komunikabide pribatueta ia presentziarik ez duela salatu zuen, eta irakaskuntzan legea ez dela betetzen.

EKAINAK 4, ASTEARTEA

ESKOZIA. Scottish Power lan-tegiari 17.000 etxe hornituko dituen haize errota parkea eratze baimena eman zioten. 2003a amaitzerako jarri nahi du martxan parkea enpresak.

EKAINAK 5, ASTEAZKENA

GALIZIA. Iazko maiatzeko datuekin alderatuta aurtengoan langabezia %5 igo zela eman zuten jakitera.

EKAINAK 6, OSTEAGUNA

GALES. Iparraldeko biztanleak uholdeetatik babesteko udan 900.000 librarako egitasmo bat martxan jarriko dela jakinarazi zen.

EKAINAK 7, OSTIRALA

KORSIKA. Eurite bortitzaren ondorioz, gutxienez ibiltari bat hil eta beste hiru zauritu ziren, uhartearen hegoaldeko Coscione herrian.



UDCko idazkari nagusi Marta Llorens eta Josep Antoni Duran Lleida presidentea, astelehenean.

Duran Lleidak jarraituko du Unioko presidente izaten beste bi urtez, kideen %92ren babesaz

Erredakzioa | DONOSTIA

Convergencia i Unio (CiU) federazioaren barruan den UDC Unio Democràtica de Catalunya presidentea karguan jarraituko du Josep Antoni Duran Lleidak, alderdiak igandean Sitgesen egin zuen 22. kongresuan kideen %91,8ren sostengua jaso ondoren.

1987az geroztik izan da Duran Lleida alderdiko buru, eta beste bi urtez hala jarraituko du.

Etorkinak eta Kataluniako komunitate gaztelera hiztuna nazionalismoan integrazioaren alde egin zuen Duran Lleidak batzarrean, eta xede aber-tzaleak berehala lor daitezkeen ideiarekin inor ez engainatzeko eskatu zion CDCri. «Herrien

Europaren utopiaren alde lanean jarraituko dugu, baina ez dugu inor engainatu nahi», adierazi zuen.

CiUn UDCCren eta CDCren arteko harreman berriak —federazio bilakatzea— negoziatu zituzten Unioko kideek, Nuria de Gispert Gobernazio kontseilariak eta Domenec Sesmak izan zuten babes txikiarekin.

Tradebi

EB Traducciones Itzulpenak SL

ITZULPENETAN
ZURE AUKERA

Hizkuntz guztiak
Teknikoa
Legala
Zinpekoa
Presazkoa
Kalitatea ziurtatua

T 94 447 41 15 - F 94 447 13 87 - Email tradebi@sarenet.es

ARROSA: IRRATI EKOIZPENERAKO ZENTROAK

Andoaingo egoitzan lan egiteko bi lanpostu sortuko ditu:

KOORDINATZAILEA: Zazpi herrialdetako irratien zerbitzura izango den Irrati Ekoizpenerako Zentroaren Koordinatzailea.

ESKATZEN DA:

- Irratiaren edota kazetaritzaren aditua izatea.
- Euskara bere trebetasun guztietan menperatzeko gaitasuna.
- Gaztelaniaraz eta frantseseraz hitz egiteko gaitasuna.
- Euskal Herria ongi ezagutzea.
- Informatikan oinarritutako gaitasuna izatea.
- Lan taldeak dinamizatzeko gaitasuna izatea.
- Gida baimena izatea.

ESKAITZEN DA:

- Proiektu berria eta interesgarria.
- Soldata: urteko 12.621e + aseguratza soziala.
- Lan kontratu mugagabea.
- Formazioa.

LANEAN HASTEKO EGUNA: Abuztuaren 1ean.

KAZETARIA: Zazpi herrialdetako irratien zerbitzura egongo den Irrati Ekoizpenerako Zentro baten kazetaria.

ESKATZEN DA:

- Irratiaren munduan esperientzia izatea.
- Euskara bere trebetasun guztietan menperatzea.
- Lan taldean lana egiteko gaitasuna izatea.
- Informatikan oinarritutako gaitasuna izatea.
- Gida baimena izatea.

ESKAITZEN DA:

- Proiektu berria eta interesgarria.
- Soldata: urteko 10.939e + aseguratza soziala.
- Lan kontratu mugagabea.
- Formazioa.

LANEAN HASTEKO EGUNA: Irailaren 1ean.

*Interesatuak ekainaren 14 aitzin igorri behar dute eskutitza eta CVa ondorengo helbidera:

OSTARTE 7 GEIE - Martin Ugalde Kultur Parkea - Gudarien etorbidea z/g - 20140 Andosain (Gipuzkoa)